

صاحب امتیاز
احمد شیرانی



اعتصام

مدیر مسئول
احمد شیرانی



۷۳ — عدد

واعتصموا

۲ — سنہ

۹ شعبان المظہم
سنہ ۱۳۳۸

{ ہر پنجشنبہ کو فی ٹشراولنور }

۲۹ تیسان
سنہ ۱۳۳۶

کبی فضا حاکم متوالیاً ابقاع اولنقدمه در. حالبوکه بو افعالك امر الہی بہ منافی و شرع شریف نظر بندہ مردود اولدینی صورتی مربوط فتواء شریفہ ایلہدہ مؤیددر .
 وطن عثمانیک دوجار اولدینی درلو درلو مصیبتلرک تعمیری و نفوس و قوت اعتباریلہ اوغرا دیغمز ضایعاتک تلافیسی وجوبندن طولانی حکومت حاضرہ عندندہ بو کون هر فردک حیاتی و سیمیی هر زماندن زیادہ قیمتمداردر . بوجهتله حکومت واصل اولمق ایستدیکی مقصد خیر و صلاحہ قان دوکمدن وصولی هر وجهله تصویب ایتمکله برابر دولتک و مملکتک حقیقہ تہلکک ایچندہ بولنان حیاتی و سلامتی قورتارمق ایچون بولہ کلینلری شرع شریف و قانون منیف موجبہ و خطہایون ایلہ تبلیغ اولنان ارادہ سنیہ حضرت خلافتیناہیہ امتثالاً تأدیب ایتمکدہ تردد ایتمہ چکدر . بناء علیہ اولاً حرکات عصیانیه نک مرتب و مشوق اولانلرک اغتالات و تهدیداتہ قابیلہ رق و یایدق لری نک نتیجہ سی نہ قدر و خیم اولہ جفتی دوشونہ میہرک اولنلرہ اشتراک ایدنلردن برہفتہ ظرفندہ اظهار ندامت و شوکتلو پادشاهمز افندیغز حضرتلرینہ عرض صداقت ایدیلرک عفو عالی بہ مظهر اولہ جقلری ، ثانیاً مرتب و مشوقلرک و اولنلرہ برابر حرکتدہ عناد ایدہ جک اولان عاصیلرک شرعاً و قانوناً تأدیب ایدیلہ چکی و مملکتک هر هانکی جہتندہ اولور ایسہ اولسون کرک اہالی اسلامیہ طرفندن صنوف سائرہ اہالی بہ کرک سکنہ غیر مسلمہ طرفندن اہالی مسلمہ بہ قارشو تعدیات و تجاوزات و قوعی حکومتجہ هیچ بر وجهله تجویز اولنہ میہ جغندن بوبلہ بر حال وقوعندہ متجاسر لرینک و او خصوصدہ مسامحہ و یا مشارکتی کوریلانلرک شخصاً و شدیداً دوجار مجازات اولہ جقلری اعلان اولنور .

۲۰ رجب ۱۳۳۸ — ۱۱ نیسان ۱۳۳۶ — بازار



اسلام و خلافت

اسلام بر نوردر. خلافت آندن اقتباس انوار ایتدی. آفاق عالمی سیاه و ازیمچی بر بلوطدن تطہیر و تنزیہ ایدن اسلام، الی الابد ابقای نور رحمت ایچون بوقوتی خلافتہ تودیع الیحددر. خلافتدہ فجر شرف اسلام ایلہ برابر دوغمشدر . خلافتک شرفی اسلامک شرفیدر .

خلافت — دنیوی برسلطنت ، دینی برسیادتدن عبارتدر . فقط خلیفه قائل مطلق دکل ، بر آمر مقیددر . خلافت رحم و شفقت ، عدل و تقوی ، صره سنه کوره سیاست ایله مؤسس و قطعاً ضوابط شرعیه ایله محاط و مقیددر .

شو مقدمات ایله برابر اسلام خلافت یانی باشند بر سریر رفعت کوستریر . (الاسلام والسلطان توأمان) . خلیفه یه اسلام ، کامل ، صادق ، حارس ، عادل ، قاهر ، عدو ، رحیم ، بالقلب ، تابع بالسنه ، کریم بالنفس ، نزه بالوجدان نظریله باقار ، خلافت حکومات متمدنه نك افضلی ، مناصب دینیه نك الك جلیلیدر . خلیفه امام اکبردر . برملجاً شفقت و بریناه شوکت آنجق خلافتدر . فضیلت حکومت خلافت مفضدر . خلیفه حال صلحه ناسك امیر معدلت عنوانی ، حال حریده اسلام اردوسنك قوماندان ذیشانیدر .

*
* *

جناب محمدالامینك عالم بقایه تشریفقرندن صوكره ایلك اختلاف خلیفه نصبنده ظهوره كلوب رأیلر داغلدی . بعض اصحاب حراست دین و سیاست طالمه قادر اولان ذات خلیفه انتخابه صالحدر دیدیلر . بونلر انصار کرام ایدی . خلافت سمد بن عبادیه نامزد کوستریدیلر . بالاخره طامه معتزله و خوارجك پك چوغی بو رأی قبول ایتدیلر . بعض اجله اصحاب قریشی اولمیده درمیان ایتدیلر . بومهاجرین کرامك اکثری ایدی . ابوبکرالصديقی رأیلرینه موافق و اهل بولدیلر . طامه اهل سفت بو رأی مصیب کوردیلر . اکثر بنی هاشمده حائر قرابت اولمیه شرط ثالث و مهم اوله رق قبول ایدیورلردی . علی ابن ابی طالب نامزدلری ایدی . عامه شیعیه و رابه منقاد اولدیلر . مؤخر آ جناب صدیقك خلافتی رجحان قطعی ایله عقد اولوندی .

تفویض خلافتده درت اصول وارددر :

- ۱ — شورای عامه ایله انتخاب طریق: مصالح ملت و امور امتی حل و عقدایدن ذواتك انتخابیه خلافت منعقد اولور . جناب صدیق وحیدرك خلافتلری بوقسمدندر .
- ۲ — خلیفه سابق طرفندن مأمور بر مجلس شورانك انتخاب و اتفاقیه خلافت منعقد اولور . عثمان مظلومك خلافتی بوقیلدندر .

۳ — وصایت و ولایت عهد اصولی در. بالذات خلیفه‌نک انتخاب و تعیین و عامه‌نک قبولیله خلافت منعقد در. عمر الفاروقک خلافتی بوقسمه مثالدر .

۴ — سیف و تغلب طریق : تشت افکار و تشدد آرا و اختلاف مهلك حالنده سیاست امته و تدویر امورہ مقتدر بر ذاتک خلافتی طلب و اخذ ایتمسیله خلافت عقد اولونور . دینی ، سواد اعظمی ، نفور و بلادی ، انتظام عالمی صیانة آرتق اهل اسلام بوصاحب سیفه طوعاً و کرهاً اطاعته مجبوردر .

محققین علما خلافتہ شرائط در میان ایتملدردر .

۵ — اسلام اولق . غیر مسلم خلیفه اولاماز .

۶ — عاقل و بالغ اولق . مجنون . معتوه . محتاج حبابه . صبی خلیفه اولاماز . مع مافیہ اضطرار حالنده صبی‌نک خلافتی اجلہ علما جائز کوردیلر . ابراهیم خانک خلیله یدی یاشنده محمد رابعک خلافتی بواسطرارہ مثال اولابی‌لور . سفیه و مجنونک خلافتندن صبی‌نک خلافتی لایق‌در دیلیدی .

۷ — ارکک اولق . قادین قطعاً خلافتہ کچه‌مز . تاریخده خلافتہ دکل ، مقام سلطنتہ کلش قادینلر واردور . ازجمله هندستانده فرمان‌فرمای اقبال اولمش آل‌غوریاندن (غیاث‌الدین ثانی رضیہ‌الدین شاه) اون سکز یاشنده کنج و باکر بر اکلیل بیضاء یاشنده اوله‌رق تورک تختنه چیقدی . اتابکاندن تورکان والیش خاتونلر .. آچه تاریخده شو مؤنت اسملرده مصادف نظردر . (جمیلة‌الدین شاه ، فاطمه جوادالدین شاه ، کالات شاه و سمیحة‌الدین شاه .)

۸ — تنفیذ احکامه و تهدیدینی ایقاعه مقتدر و شجیع اولق . عاقل . جبین ، و خائف خلیفه اولاماز .

۹ — حدود اسلامی محافظیه قادر اولق . قوتسز و قدرتمسز اولان لائق خلافتہ دکلدر .

۱۰ — عدل و رحمی عام اولق . ظالمک خلافتی غیر صحیح‌در .

۱۱ — عالم‌بالسیاسه اولق . جاهل و اموراتاره‌یه غیر واقفک خلافتنه مساعی یوقدر .

۱۲ — عامل بالشریعه بولومق . آلودہ فسق اولانک خلافتہ اهلیتی یوقدر .

خلافتده ارثی ونسلی اصولی احداث ایدن برنجی معاویه در .

بر آراق عمر ابن عبدالعزیز جناب صدیقک حنفیدی محمدی ولی عهد انتخاب ایتک
ایشه مش ایکن بواملنه موفق اولاماش و مسموماً عازم جنان اولمشدی . بنی
عباس بنی امیه نك اصول وراثتی قبول ایتدیلر . آئرده ارثاً و نسلاً نائل تاج
خلافت اولدیلر . مأمون پك سودیکی اولادعلیدن علی الرضایی ولی عهد نصب ایتدی
جوق کچمه دن اهل عداوت علی الرضایی تسمیم صورتیه مأمونه قهار بر جواب
ویردیلر . آل عباسک بغدادده کی خلافتنه قائل بر صورتده ختام ویرلد کدنصرکه
اهل اسلام ۶۶۵ سنه سندن ۶۶۹ تاریخنه قدر اوج سنه خلیفه سز قالمشدر . مصرده
یکیدن بر خلافت مقامی تأسس ایتدی . فقط بونلر خلیفه دکل ، رسماً و اسماً بر
کولک ایدیلر . قوت ملوک چرا کسه دن کوله منلره ، کوله منلر دن چرا کسیه استقال
ایتدی طور دی .

نهایت سر بر خلافت مصر دن استانبوله نقل اولوندی . متوکل علی الله ثالث
مهر خلافتی بیوک خاقانم سلیم اوله تسلیم و عرض بیت ایتدی ؛ آل عثمانده آل
عباس اصول وراثتی تعقیب ایتشلردر . آراق بو اصول ارث تقرر و تأسس ایتش
ومقدرات جلیله سبحانهیه توافاق ایتلشدر .

عصرک بشقه درلو انتخاب خلیفهیه تحمیل یوقدر . آل عثمان سلطاتی الی القيام قرآنه
صداقت و مطاوعتری مدتیجه قطعاً پایدار اولاجقدر . الیوم سلطت آل عثمان بالجمله
دول اسلامیة نك اُحلی ، اُحلی ، اُشملی ، اسبقی و امتداد زمان ، اصالت عوان ،
سلطت سنن ، شوکت دوران جهتلرندن اکملی ، ارجچی ، اشرفیدر . لاسمح الله
اهل اسلام بوساللا دن مهجور قالدینی کون انحلال ایدر .

تورک و تورکک سلطنتی شیرازه صحائف اسلامدر . اهل اسلامک ده الی ماشالله
هم خادمی ، هم حاکمی اولاجقدر . آفاق اسلامی آنجق و آنجق شمس آل عثمان
شور ایدر .

جناق قلعه لی : طیار رحمی